



## WILMA QUAN

Tus Tswj Xyuas Lub Nroog

### COV LUS KHOO XWM TXHEEJ CEEV 2020-16

**KEV HLOOV KHO THIAB NTXIV SIJHAWM NTEV ZOG LOS NYOB TSEV KOM LUB ZEJ  
ZOG NYAB XEEB NROG RAU COV CAI UAS HAIS KOM LOOJ IB DAIM NTAUB VOV  
QHOV NCAUJ QHOV NTSWG THIAB COV KEV PAB LOS QHIB COV LAG LUAG IB  
TXHIA ZUJ ZUS**

COV LUS KHOO LOS NTAWM TUS TSWJ XYUAS LUB NROOG FRESNO TSHAJ TAWM KOM TXHUA TUS NEEG UAS NYOB HAUV LUB NROOG YUAV TAU NYOB HAUV LAWV LUB TSEV TXUAS NTXIV MUS TIAMSIS TSUAS TAWM TAU MUS NRHIAV LOSSIS MUS TXAIS TEJ YAM KEV PAB UAS TSEEM CEEB THIAB COV KEV PAB UAS RAUG POM ZOO LOSSIS MUS KHIAB HAUJLWM UAS TSEEM CEEB THIAB COV HAUJLWM UAS RAUG POM ZOO THIAB MUS UA HAUJLWM RAU COV LAG LUAM THIAB CHAW HAUJLWM TSOOM FWV UAS TSEEM CEEB THIAB COV RAUG POM ZOO; PEB TSHAJ TAWM KOM COV LAG LUAM THIAB TSOOM FWV COV CHAW HAUJLWM UAS TSIS TSEEM CEEB KAW LAWV LUB CHAW HAUJLWM HAUV LUB NROOG; TXWV TSIS PUB NKAG MUS RAU COV CHAW UA SI; KHOO KOM COV LAG LUAM TSEEM CEEB THIAB COV LAG LUAM UAS RAUG POM ZOO YUAV TSUM TSWJ KOM COV NEEG TUAJ YUAV KHOOM NYOB DEB NTAWM LWM COV NEEG; HAIS KOM COV NEEG LOOJ IB DAIM NTAUB VOV QHOV NCAUJ QHOV NTSWG THAUM LAWV NKAG MUS RAU IB LUB LAG LUAM THIAB COV CHAW UAS NEEG MUS; THIAB TXWV TSIS PUB TIB NEEG SIB SAU UA KE YOG TIAS TSIS TSEEM CEEB TXAWM TIAS NTAU THIAB TSAWG TUS NEEG LOS XIJ

Vim tias kuv yog Tus Thawj Coj Saib Xyuas Thaum Muaj Tej Yam Xwm Txheej Ceev raws li Cov Cai Kav Lub Nroog Fresno Tshooj 2-505, thiab raws li lub zog uas txoj cai muab rau kuv hauv Cov Cai Kav Lub Nroog Fresno Tshooj 2-506, vim tias tus kab mob COVID-19 yuav raug tau cov pej xeeb txoj kev noj qab haus huv, kuv tshaj tawm cov lus khoo raws li ntwam no:

1. Cov Lus Khoo no yuav pib thaum 12:01am hnuv Wednesday, Lub Tsib Hlis Ntuj Tim 7,

Lub Nroog Fresno

City Hall • 2600 Fresno Street • Fresno, California 93721-3600  
(559) 621-77621-7770 • Tus Xovtooj FAX (559) 621-7776 • [www.fresno.gov](http://www.fresno.gov)

2020, thiab yuav los hloov cov lus hauv Cov Lus Khoo Xwm Txheej Ceev 2020-13. Cov Lus Khoo no yuav ntxiv sijhawm ntev zog thiab yuav hloov kho cov lus hauv Cov Lus Khoo Xwm Txheej Ceev 2020-13 tseeb zog, khov kho zog thiab mus ntev zog. Cov Lus Khoo no yuav ua haujlwm tswj mus txog 11:59 pm Hnub Sunday, Lub Tsib Hlis Ntuj Tim 31, 2020, tiamsis peb muaj txoj cai los ntxiv sijhawm ntev zog, muab ncuatseeg lossis hloov tej yam hauv los tau.

2. Peb tsa Cov Lus Khoo ntawm no vim tias peb pom tias Cov Lus Khoo ua ntej no yeej ua tau haujlwm los pab tswj kom tus kab mob COVID-19 kis qeeb zog. Cov Lus Khoo no yuav hloov kho tej yam hauv Cov Lus Khoo Kom Nyob Tsev yav tas los kom nws ua tau raws li Lub Xeev Kaslisfausnias "Daim Ntawv Qhia Kev los Hloov Kho Cov Lus Khoo Nyob Tsev," "Kho Lub Xeev Kaslisfausnias Daim Ntawv Qhia Kev Los Pab Tus Mob Kis Thoob Plaws Ntiaj Teb" thiab yuav siv los pab coj kev.
  - 2.1. Lub hom phiaj ntawm Cov Lus Khoo no yog los tiv thaiv txoj kev noj qab haus huv ntawm txhua tus neeg hauv peb lub zej zog tib lub sijhawm uas peb pib qhib tej yam lag luam thiab haujlwm mus kom nyab xeeb. Cov Lus Khoo no tsim los tom qab cov lus tshaj tawm los ntawm Lub Cheeb Nroog Fresno Lub Tuam Tsev Haujlwm Tswj Xyuas Cov Pej Xeev Txoj Kev Noj Qab Haus Huv, lub Xeev Kaslisfausnias Lub Tuam Tsev Haujlwm Tswj Xyuas Cov Pej Xeev Txoj Kev Noj Qab Haus Huv, lub Chaw Haujlwm Tswj Xyuas thiab Tiv Thaiv Kab Mob, thiab lwm cov kws tswj xyuas cov pej xeev txoj kev noj qab haus huv thoob plaws Teb Chaws Asmesliskas. Peb yeej ua zoo saib txhua cov kev txiav txim hauv Cov Lus Khoo ntawm no vim tias peb muaj cov kev tshawb fawb txog cov pej xeev txoj kev noj qab haus huv thiab yog siv los tiv thaiv txoj kev noj qab haus huv ntawm lub zej zog.
  - 2.2. Cov Lus Khoo no ntxiv them thib peb uas yog "Cov Lag Luam Uas Raug Pom Zoo" los ntxiv rau "Cov Lag Luam Tseem Ceeb" thiab "Cov Lag Luam Uas Tsis Tseem Ceeb." Cov Lag Luam Uas Raug Pom Zoo yog txhais tias cov lag luam thiab cov kev khiav haujlwm uas tsis tseem ceeb raws li peb tau txhais, tiamsis tseem ceeb rau lub zej zog txoj kev khwv nyiaj thiab kev noj qab nyob zoo rau lub zej zog.
  - 2.3. Thawj Cov Lag Luam Uas Raug Pom Zoo uas peb yuav xub qhib yuav yog cov lag luam uas yuav muaj feem qis heev thiab qis los raug tau tib neeg. Cov Lag Luam Uas Raug Pom Zoo uas peb yuav tso cai qhib zaum thib ob yuav yog cov lag luam uas yuav muaj feem siab heev los raug tau tib neeg. Txhua zaus peb qhib ib pab pawg lag luam zuj zus peb yuav kuaj ob vasthiv tom qab nws qhib los saib seb cov pej xeev txoj kev noj qab haus huv zoo li cas. Yog peb pom tias cov pej xeev txoj kev noj qab haus huv phem zog tuaj los raug tau lub zej zog peb yuav rov kaw pab pawg lag luam uas peb tso cai qhib.
  - 2.4. Cov kev npaj uas peb yuav siv los txiav txog Cov Lag Luam Uas Raug Pom Zoo los qhib yuav mus li no:
    - 2.4.1. Tus Cob Moos Pab Pawg Saib Xyuas Kom Fresno Rov Zoo Tuaj yuav qhia tswv yim rau Tus Thawj Coj Saib Xyuas Thaum Muaj Tej Yam Xwm Txheej Ceev (Tus Thawj Coj Saib Xyuas) txog cov lag

luam uas yuav nyob hauv pab pawg twg los qhib thawj zaug thiab zaum thib ob.

2.4.2. Tus Thawj Coj Saib Xyuas yuav tham nrog thiab yuav txais tswv yim los ntawm Tus Cob Moos thiab Pab Pawg Tswj Xyuas Lub Nroog, Pab Pawg Tswj Xyuas Cov Haujlwm Xwm Txheej Ceev, cov kws tswj xyuas cov pej xeem txoj kev noj qab haus huv, thiab lwm cov ces lawv mam li los txiav txim seb cov lag luam twg thiaj li tsim nyob los yog Cov Lag Luam Uas Raug Pom Zoo los qhib rau thaum twg.

2.4.3. Tus Thawj Coj Saib Xyuas yuav tau tsim ib txoj kev los tswj saib seb Cov Lag Luam Uas Raug Pom Zoo ntawd puas ua raws cai los saib xyuas kom txhua tus neeg ua raws li Txoj Cai Hais Kom Nyob Deb Lwm Tus, raws li tau txhais hauv Cov Lus Khoo ntawm no thiab ntxiv ib co cai uas yuav haum rau hom lag luam ntawd. Peb yuav tau siv cov neeg uas raug pom zoo mus kuaj seb cov lag luam no puas ua raws cai thiab uas ua raws li cov kws tswj xyuas uas ua haujlwm nrog Lub Chaw Haujlwm Tswj Kom Ua Raws Cai.

2.4.4. Tus Thawj Coj Saib Xyuas yuav tshaj tawm lub (cov) hnuv tim thiab lub (cov) sijhawm thiab Cov Lag Luam Uas Raug Pom Zoo twg thiab li rov qhib tau.

3. Cov Lus Khoo no yuav ua haujlwm nrog, thiab siv los pab nkag siab, nrog cov lus khoo Lub Peb Hlis Ntuj Tim 19, 2020, Cov Lus Khoo Nyob Tsev los ntawm Tus Cob Kheem Gavin Newsom, Lub Peb Hlis Ntuj Tim 4, 2020, Cov Lus Tshaj Tawm Tias Lub Xeev Muaj Kev Xwm Txheej Ceev los ntawm Tus Cob Kheem Gavin Newsom, Lub Peb Hlis Ntuj Tim 17, 2020, Cov Tswv Yim Pab Daws Kev Xwm Txheej Ceev Rau Lub Nroog uas raug pom zoo siv los ntawm Lub Cheeb Nroog Fresno Cov Rooj Tsav Xwm, thiab Lub Peb Hlis Ntuj Tim 16, 2020, Cov Lus Tshaj Tawm Los Qhia Tias Lub Zos Muaj Tej Yam Xwm Txheej Ceev los ntawm Tus Cob Moos Lee Brand.

3.1. Lub hom phiaj ntawm Cov Lus Khoo no yog los tiv thaiv txhua tus neeg hauv peb lub zej zog txoj kev noj qab haus huv los paub tseeb tias peb pab kom ntau tus neeg nyob hauv lawv lub tsev ntau li ntau tau los pab kom txoj kev kis tus kab mob COVID-19 kis tsawg zog li qhov kis tau thiab los pab kom muab tau txoj kev kho mob nrawm rau cov tib neeg uas yuav tsum tau kev pab nrawm. Thaum tib neeg yuav tau tawm lawv lub tsev, txawm tias mus yuav lossis ua haujlwm uas tseem ceeb heev, lossis mus khiav haujlwm kom tseem ceeb rau ib tug neeg lub neej thiab lag luam, lawv yuav tsum ua raws li Cov Cai Hais Kom Nyob Deb Lwm Tus txhua lub sijhawm raws li tau piav hauv qab. Tagnrho cov lus hauv Cov Lus Khoo ntawm no yuav tau raug muab los txhais kom peb ua tau lub hom phiaj no kom ntau li ntau tau. Yog tias leej twg tsis ua raws li cov lus hauv Cov Lus Khoo ntawm no nws yuav ua raug loj heev, tsim kev phem rau cov pej xeem txoj kev noj qab haus huv thiab raug cov pej xeem. Cov ib sij txhaum cai lossis txhaum cai tas li yuav raug txim raws li lub xeev thiab lub nroog cov cai.

3.2. Peb hais kom txhua tus neeg uas nyob hauv Lub Nroog yuav tau nyob hauv lawv lub tsev. Yog tias tib neeg yuav tau koom ib qho chaw ua ke lossis koom qho chaw nraum zoov ua ke, lawv ua raws li Cov Cai Hais Kom Nyob Deb Lwm Tus

uas hais kom lawv nyob deb ntawm lwm tus neeg yam tsawg kawg yog rau feet (fij) ntawm lwm tus neeg thaum lawv nyob sab nraum lawv lub tsev. Txhua tus neeg tawm tau lawv lub tsev mus Khiav Haujlwm Tseem Ceeb thiab Cov Raug Pom Zoo, Koom Tej Haujlwm Tsoom Fwv Tseem Ceeb thiab Cov Lag Luam Raug Pom Zoo, lossis mus khiav lawv Lub Lag Luam Uas Tseem Ceeb, raws li tau piav hauv Cov Lus Khoo ntawm no. Peb xav txhawb kom cov tib neeg uas tsis muaj tsev nyob mus nrhiav ib qho chaw nyob, thiab peb txhawb kom tsoom fwv thiab lwm cov koom haum mob siab nrhiav ib co chaw sai li sai tau thiab kom ntau li ntau tau (thiab siv cov tswv yim los tswj kom muaj feem tsawg zog los kis tus kab mob COVID-19 tsawg zog rau txhua lub chaw lawv khiav). Tagnrho cov lag luam hauv Lub Nroog, tiamsis tsis hais txog cov nyob hauv Cov Lag Luam Tseem Ceeb thiab Cov Lag Luam Uas Raug Pom Zoo (raws li tau piav hauv qab), yuav tau nres txhua yam lawv ua hauv Lub Nroog tiamsis pub lawv Khiav Haujlwm Raws Li Qhov Tsawg Kawg, raws li tau piav hauv Cov Lus Khoo Ntawm no. Kom txhua tus paub tseeb, cov lag luam tseem khiav tau yog tias lawv cov neeg ua haujlwm lossis cov neeg lawv ntiav nyob tsev ua haujlwm (piv txwv tias ua haujlwm hauv istawsnev). Peb yeeb txhawb kom tagnrho Cov Lag Luam Tseem Ceeb qhib twj ywm.

- 3.3. Txhua tus yuav tau siv cov ntaub vov qhov ncauj qhov ntswg thaum lawv mus rau ib lub lag luam thiab cov chaw uas muaj neeg, raws li tau piav hauv Cov Lus Khoo no. Cov menyuum yaus uas yau ob xyoos yuav tsum tau looj cov ntaub vov qhov ncauj qhov ntswg, lossis ib tug neeg uas muaj ib tug mob uas ua rau lawv yuav tsum looj ib daim ntaub vov ntsej muag.
- 3.4. Cov Lag Luam Tseem Ceeb thiab Cov Lag Luam Uas Raug Pom Zoo yuav tau hais kom lawv cov neeg ua haujlwm mus ua haujlwm tom tsev hauv istawsnev ntau li ntau tau.
- 3.5. Cov lag luam uas tseem khiav Cov Lag Luam Tseem Ceeb tom lawv lub chaw haujlwm nrog rau cov haujlwm uas tsis tseem ceeb, ua kom tau ntau li ntau tau, txiav ib co haujlwm los ua khiav Cov Lag Luam Tseem Ceeb xwb; thiab, tiamsis mas, cov lag luam muag khoom thiab cov lag luam muag tej pob khoom uas raug Cov Lus Khoo ntawm no tswj tseem ib sij khaws thiab muag cov khoom uas tsis tseem ceeb los tau.
- 3.6. Tagnrho Tsoom Fwv Cov Chaw Haujlwm, Cov Lag Luam Tseem Ceeb thiab Cov Lag Luam Uas Raug Pom Zoo, nrog rau, tiamsis tsis tas rau cov khw muag khoom, cov khw tsim khoom thiab lwm Cov Lag Luam Tseem Ceeb thiab Cov Lag Luam Uas Raug Pom Zoo (nrog rau cov tsev kho mob loj) yuav tau npaj thiab tiv cov sijhawm lawv qhib, tsis txhob pub dhau lig tshaj thaum 11:59 pm Hnub Wednesday, Lub Tsib Hlis Ntuj Tim 7, 2020, Txoj Cai Hais Kom Nyob Deb Lwm Tus ntawm txhua lub qhov rooj nkag mus rau cov tsev lag luam hauv Lub Nroog Fresno uas cov pej xeem thiab cov neeg ua haujlwm nquag mus. Rau cov lag luam uas raug pom zoo los qhib raws li cov cai uas peb tau piav hauv Cov Lus Khoo ntawm no, lawv yuav tau dai cov ntawv ua ntej lawv rov qab qhib. Txhua tus yuav tau teb daim ntawv qhia txog Txoj Cai Hais Kom Nyob Deb Lwm Tus uas peb tau muab rhais ua ke rau Cov Lus Khoo ntawm no raws li Theem A Uas Raug Muab Hloov Kho thiab yuav tus muab luam tawm kom loj yam tsawg kawg yog,

11 inches rau 17 inches. Txhua Lub Lag Luam Tseem Ceeb thiab Cov Lag Luam Uas Raug Pom Zoo yuav tsum siv cov cai hauv Txoj Cai Hais Kom Nyob Deb Lwm Tus thiab, yog tias tau nug rau, muab pov thawj tias nws yeej ua raws rau cov neeg tswj xyuas Cov Cai Khoo ntawm no. Thaum lawv teb Txoj Cai Hais Kom Nyob Deb Lwm Tus lawv yuav tsum piav tias lub lag luam ua li cas los ua kom tau raws li ntawm no, rau tej yam uas haum lawv lub lag luam:

- 3.6.1. Txwv kom tsawg tus neeg nkag rau hauv lub tsev lag luam rau ib lub sijhawm kom paub tseeb tias cov neeg hauv lub tsev lag luam nyob tau deb ntawm lwm tus neeg li ntawm rau- feet txhua lub sijhawm, tiamsis tsuas pub kom lawv khiav tau txoj haujlwm hauv Lub Lag Luam Tseem Ceeb thiab Cov Lag Luam Uas Raug Pom Zoo;
  - 3.6.2. Khij hauv av rau cov chaw tib neeg ua kab sab hauv thiab nraum zoov lub lag luam kom lawv nyob deb li rau feet ntawm lwm tus;
  - 3.6.3. Muaj cov tshuaj pleev tes tua kab mob, xub npum thiab dej, lossis cov tshuaj tua kab mob rau ntawm qhov chaw lossis ze rau cov chaw nkag mus rau hauv lub tsev lag luag thiab tso rau cov chaw haum rau cov pej xeem thiab cov neeg ua haujlwm los siv uas nquag muaj neeg ua haujlwm thiab cov neeg ua haujlwm nyob;
  - 3.6.4. Ua kom muaj ib txoj kev rau tib neeg them nyiaj yam tsis thas kov dabtsi lossis, yog tias ua tsis tau li ntawd, ces ib sij siv tshuaj tua kab mob los so cov tshuab them nyiaj, cov npiv, cov tshuab ntaus txhua lub sijhawm ib tug neeg siv;
  - 3.6.5. Siv cov ntaub tua kab mob los so cov chaw tib neeg nquag kov tas mus li;
  - 3.6.6. Siv Lub Cheeb Nroog Fresno Lub Tuam Tsev Haujlwm Tswj Xyuas Txoj Kev Noj Qab Haus Huv Daim Ntawv Kuaj Rau Cov Chaw Haujlwm Uas Tsis Yog Kho Mob Daim Ntawv Kuaj Cov Pej Xeem; thiab
  - 3.6.7. Hais kom cov neeg ua haujlwm looj ib daim ntaub npog qhov ncauj qhov ntswg thaum lawv ua haujlwm. Txhua cov neeg yuav khoom thiab txhua lwm cov neeg uas nkag rau ib lub lag luam yuav tsum looj ib daim ntaub npog qhov ncauj qhov ntswg. Cov lag luam yuav tsum tsis txhob pub ib tug neeg nkag rau hauv yog tias lawv tsis looj ib daim ntaub npog qhov ncauj qhov ntswg.
- 3.7. Tagnrho cov kev sib sau ua ke rau cov pej xeem thiab tib neeg ua rau lawv tsev neeg nraum zoov lossis sab nraum lawv lub tsev yuav raug txwv tsis pub ua lawm, yog tias tsis haum raws li tau hais ntawm no. Tsis muaj dabtsi hauv Cov Lus Khoo no yuav los txwv cov tib neeg uas nyob ib tse lossis ib lub tsev los sib sau los Khiav Haujlwm Tseem Ceeb.
  - 3.8. Cov Lus Muab Los Txhais thiab Cov Kev Zam.

- 3.8.1. Kom txhua tus nkag siab Cov Lus Khoo ntawm no, tib neeg yeej tawm tau lawv lub tsev mus Khiav Haujlwm Tseem Ceeb thiab Cov Raug Pom Zoo raws li ntawm no. Cov tib neeg uas yuav muaj feem mob loj yog tias lawv kis tau tus kab mob COVID-19 raws li CDC tau piav thiab cov tib neeg uas tsis xis nyob yuav tau nyob twj ywm hauv lawv lub tsev tiamsis mus nrhiav tau kev kho mob yog tias lawv yuav tsum tau mus.
- 3.8.2. Kom txhua tus nkag siab Cov Lus Khoo no, "Cov Chaw Rau Tib Neeg Mus" txhais hais tias cov chaw sab hauv lossis nraum zoov uas yuav nyob tau ze lwm tus neeg uas tsis nyob hauv lawv tsev yuav tshwm sim tau, nrog rau cov kev thauj neeg mus los rau cov pej xeem thiab lwm cov kev sib koom thauj neeg mus los.
- 3.8.3. Mus khiav haujlwm lossis mus ua tej yam lawv yuav tsum ua rau lawv txoj kev noj qab haus huv thiab kev nyab xeeb, lossis rau txoj kev noj qab haus huv thiab kev nyab xeeb ntawm lawv tsev neeg lossis cov neeg hauv lawv lub tsev (nrog rau, tiamsis tsis tas rau, cov tsiaj), xws li, lam piv txwv xwb thiab tsis tas li no, mus nrhiav khoom kho mob tu mob lossis tshuaj noj, mus ntsib ib tug kws kho mob, lossis mus yuav khoom kom lawv ua tau haujlwm hauv lawv lub tsev.
- 3.8.4. Mus txais cov kev pab lossis tej yam khoom lawv yuav tsum tau rau lawv tus kheej thiab lawv tsev neeg lossis cov neeg nyob hauv lawv lub tsev, lossis mus muab cov kev pab lossis cov khoom rau lwm cov neeg, xws li, lam piv txwv xwb thiab tsis tas li no, cov kaus poom ntim mov, cov zaub mov qhuav, cov txiv hmab txiv ntoo thiab zaub, khoom rau tsiaj, nqaij, ntses, thiab nqaij qaib nqaij noog, thiab lwm yam khoom siv hauv tsev, thiab khoom siv los pab kom koj lub tsev nyab xeeb, tu huv si, thiab tej yam koj yuav tsum tau los khiav koj lub tsev.
- 3.8.5. Mus ua tej yam nraum zoov, tiamsis tus neeg ntawd yuav tau ua raws li Cov Cai Hais Kom Nyob Deb Lwm Tus uas tau piav hauv Cov Lus Khoo no, xws li, lam piv txwv xwb thiab tsis tas li no, mus taug kev, caij luv thij, taug kev tom hav zoov, lossis mus khiav raws li Cov Cai Hais Kom Nyob Deb Lwm Tus thiab kom lawv ua raws li cov cai tswj no:
  - 3.8.5.1. Txwv tsis pub nres tsheb tom Lub Nroog Fresno cov chaw ua si park.
  - 3.8.5.2. Txhua lub chaw ua si park hauv Lub Nroog Fresno yuav kaw Lub Tsib Hlis Ntuj Tim 9, 10, 23, 24 & 25.
  - 3.8.5.3. Lub Nroog cov chaw ua si park lossis cov chaw ua si yuav kaw twj ywm mus lossis yuav raug kaw ntev npaum li Lub Nroog xav tias qhov chaw ntawd tsis

nyab xeeb rau tib neeg los ua kom nyob tau deb  
ntawm lwm tus neeg.

- 3.8.6. Mus koom ib lub ntees tiamsis tsis pub ntau ntshaj kaum tus neeg hauv lub chaw ntawd.
- 3.8.7. Mus ua haujlwm xa khoom thiab muab cov kev pab tseem ceeb tom lub ib Lub Chaw Haujlwm Tseem Ceeb thiab Lub Lag Luam Uas Raug Pom Zoo lossis los khiav tej yam haujlwm uas raug pom zoo hauv Cov Lus Khoo ntawm no, thiab pub mus Khiav Haujlwm Raws Li Qhov Tsawg Kawg.
- 3.8.8. Mus tu xyuas ib tug tsev neeg lossis tsiaj hauv lwm lub tsev.
- 3.8.9. Kom txhua tus nkag siab Cov Lus Khoo ntawm no, tib neeg tawm tau ntawm lawv lub tsev mus ua haujlwm lossis mus txais kev pab ntawm "Cov Chaw Kho Mob," nrog rau cov tsev kho mob loj, cov tsev kho mob me, cov kws kho kaus hniav, cov khw muag tshuaj, cov chaw rho ntshav los khaws tseg thiab cov kev ncig zos rho ntshav, cov tsev haujlwm ua tshuaj thiab kev tshawb fawb txog tej yam kab mob, lwm cov chaw kho mob tu mob, cov chaw muag khoom kho mob tu mob, cov kws pab kho mob tu mob, lossis cov kev pab uas xws li thiab/lossis cov kev kuaj los pab nrhiav tus mob. "Cov Chaw Kho Mob" kuj nrog rau kev kho mob rau tsiaj thiab txhua yam kev pab kho mob rau tsiaj. Txoj kev zam no tau muab txhais kom dav thiaj li tsis raug txoj kev noj qab haus huv, uas tau muab txhais kom dav. "Cov Chaw Kho Mob" tsis suav cov chaw pab kom ib ce yuag thiab cov chaw mus khiav qoj ib ce thiab tej yam chaw xws li ntawd.
- 3.8.10. Kom txhua tus nkag siab Cov Lus Khoo ntawm no, tib neeg tawm tau ntawm lawv lub tsev mus pab lossis ua haujlwm los pab khiav thiab tswj "Cov Chaw Tseem Ceeb." Nrog rau tiamsis tsis tas rau, kev puab kev kho tej yam uas cov pej xeem yuav tsum tau, kev puab kev kho tsev (tseem ceeb tshaj yog tsev luam lossis cov tsev rau tib neeg uas tsis muaj tsev nyob), chaw haujlwm ya dav hlau, dej, dej khib nyiab, nkev, fais fab, roj, kev tsav tsheb thiab kev loj, kev thauj mus los rau cov pej xeem, kev tuaj thauj thiab kev tshem khib nyiab, kev tu xyuas cov toj ntxa, cov chaw pam tuag, cov chaw hlavv cov neeg tuag, istawsnev thiab xovtooj (nrog rau tej yam haujlwm tseem ceeb los khiav kom tau cov haujlwm hauv koospijawj, tsev haujlwm, kev tiv tauj, thiab cov kev siv istawsnev rau lub ntiaj teb, lub xeev, thiab lub nroog) yuav tsis ua li cas yog tias lawv muab cov kev pab lossis ua cov haujlwm no raws li Cov Cai Hais Kom Nyob Deb Lwm Tus, ntau li ntau tau raws li tau muab txhais hauv Cov Lus Khoo no.
- 3.8.11. Kom txhua tus nkag siab Cov Lus Khoo ntawm no, tagrnhoo cov tib neeg ua haujlwm pab cov pej xeem ua ntej, cov thawj coj saib xyuas cov neeg ua haujlwm rau cov muaj xwm txheej ceev, cov neeg txais

xovtooj xwm txheej ceev, cov neeg ua haujlwm rau lub xam, cov tub ceev xwm, thiab lwm cov neeg uas ua cov haujlwm li no los pab txhawb Cov Lag Luam Tseem Ceev raug zam ntawm Cov Lus Khoo ntawm no tsuav lawv khiav cov haujlwm uas tseem ceeb ntawd xwb. Ntxiv mus, tsis muaj ib yam dabtsi hauv Cov Lus Khoo no los txwv tsis pub ib tug neeg twg los mus "Koom Tej Haujlwm Tsoom Fwv Tseem Ceeb." Koom Tej Haujlwm Tsoom Fwv Tseem Ceeb txhais tau tias rau cov uas ua haujlwm los saib xyuas kom tsoom fwv cov chaw haujlwm tseem khiav taus thiab los muab kom tau cov kev pab hais txog kev noj qab haus huv, kev nyab xeeb thiab kev noj qab nyob zoo rau cov pej xeem. Tagnrho Cov Kev Koom Tej Haujlwm Tsoom Fwv Tseem Ceeb yuav tsum tau ua raws li Cov Cai Hais Kom Nyob Deb Lwm Tus raws li tau piav hauv Tshooj no kom ntau li ntau tau.

3.8.12. Kom txhua tus nkag siab Cov Lus Khoo ntawm no, ib lub "lag luam" uas raug pom zoo yog hais txog lub lag luam uas ua lag luam rau nyiaj, lub ua lag luam tsis yog rau nyiaj, lossis lub chaw qhia ntawv, txawm tias lawv cov kev pab yog li cas, lawv khiav haujlwm li cas, lossis lag luam loj lossis lag luam me.

3.9. Kom txhua tus nkag siab Cov Lus Khoo ntawm no, "Cov Lag Luam Tseem Ceeb" txhais hais tias:

3.9.1. Cov Chaw Kho Mob thiab Cov Chaw Tseem Ceeb;

3.9.2. Cov khw muag zaub mov, cov khw rau cov tib neeg ua teb tuaj muag zaub muag khoom, cov chaw muag tej yam lawv cog thiab zaub txiv hmab txiv ntoo, cov khw me muag zaub mov, cov chaw haujlwm muag zaub mov, cov khw me, thiab lwm cov chaw muag kos poom ntim khoom no, zaub mov qhuav, txiv hmab txiv ntoo thiab zaub, khoom rau tsiaj, nqaij, ntses, thiab nqaij qaib nqaij noog, thiab lwm yam khoom siv hauv tsev (xws li khoom tu tsev thiab khoom siv tu tus kheej). Cov ntawm no hais txog cov khw uas muag zaub muag mov thiab muag lwm yam uas tsis yog zaub mov, thiab lwm yam khoom siv hauv tsev, thiab khoom siv los pab kom koj lub tsev nyab xeeb, tu huv si, thiab tej yam koj yuav tsum tau los khiav koj lub tsev;

3.9.3. Kev cog kev tu tsiaj los ua mov, hais txog kev ua teb, kev yug tsiaj, thiab kev nuv ntses;

3.9.4. Cov lag luam uas muag zaub mov, muaj chaw rau neeg nyob, thiab cov kev pab rau cov pej xeem, thiab lwm yam uas tib neeg yuav tsum tau rau rau cov tsis tau nyiaj ntau lossis rau cov tib neeg uas tsis muaj dabtsi li;

3.9.5. Cov ntawv tshaj tawm txog xov xwm, cov TV, cov xov tooj cua, thiab lwm yam kev sib tham sau ub tej no hauv istawsnev;



Cov Lus Khoo Xwm Txheej Ceev 2020-16  
Nyob Tsev – Ntxiv Sijhawm Mus Ntev Zog thiab Ntxiv Ntau Zog  
Lub Tsib Hlis Ntuj Tim 1, 2020  
Nplooj 9 ntawm 12

- 3.9.6. Cov khw muag nkev thiab tej yam khoom rau tsheb, chaw kho tsheb, thiab tej yam chaw xws li ntawd;
- 3.9.7. Cov tuam txhab thiab cov chaw haujlwm txog nyiaj txiag;
- 3.9.8. Cov khw muag khoom kho ub tej no;
- 3.9.9. Cov neeg kho kav dej, cov neeg kho fais fab, cov neeg tua kab, thiab lwm cov neeg uas yuav pab tau cov pej xeem los pab kom lawv lub tsev nyab xeeb, tu huv si, thiab nrog tej yam lawv yuav tsum tau los khiav lawv lub tsev, "Khiav Haujlwm Tseem Ceeb, thiab Cov Lag Luam Tseem Ceeb;
- 3.9.10. Cov lag luam xa ntawv thiab xa khoom, nrog rau cov chaw haujlwm xa ntawv;
- 3.9.11. Cov tsev kawm ntawv—nrog rau cov tsev kawm ntawv dawb thiab cov them nyiaj qib K-12, cov tsev kawm ntawv qib siab, thiab cov tsev kawm ntawv them kawg—kom lawv kawm tau tom tsev lossis kom ua tau tej yam tseem ceeb, tiamsis yuav tau ua raws li Cov Cai Hais Kom Nyob Deb Lwm Tus;
- 3.9.12. Cov khw ntxhua khaub ncaws, cov khw ntxhua tib neeg cov khaub ncaws rau lawv, thiab cov chaw pab ntxhua khaub ncaws;
- 3.9.13. Cov lab muag mov noj thiab lwm cov chaw npaj thiab ua mov noj, tiamsis tsuas pub lawv xa mus rau tib neeg tsev thiab kom tib neeg tuaj nqa mus tsev nkaus xwb. Cov tsev kawm ntawv thiab lwm cov chaw uas muab mov dawb rau cov tub kawm ntawv lossis cov pej xeem tseem yuav ua tau txuas ntxiv mus raws li Cov Lus Khoo ntawm no yog tias cov zaub mov uas lawv muab rau cov tub kawm ntawv lossis cov pej xeem tuaj nqa thiab nqa cov zaub mov mus xwb. Cov lab muag mov noj, cov tsev kawm ntawv thiab cov chaw muab mov uas peb zam ntawm no yuav tsum tsis txhob pub leej twg noj ntawm thaj tsam uas lawv muab mov, lossis lwm qhov chaw uas tib neeg sib sau ua ke, tiamsis peb tsuas zam tau cov hoob noj mov tom lub tsev kho mob loj xwb, rau tib neeg los noj mov hauv lub hoob noj mov ntawd;
- 3.9.14. Cov lag luam uas muag khoom kom tib neeg ua tau haujlwm lawv lub tsev;
- 3.9.15. Cov lag luam uas muag khoom rau lwm cov lag luam tseem ceeb uas pab txhawb lossis muag khoom rau tib neeg los khiav haujlwm tau, nrog rau, tiamsis tsis tas rau, kev thauj khib nyiab pov tseg, kev zom khib nyiab mus ua dua tshiab thiab kev zom khoom fais fab mus ua dua tshiab;
- 3.9.16. Cov lag luam uas xa zaub xa nqaij, zaub mov, khoom lossis cov kev pab rau cov pej xeem;

- 3.9.17. Cov chaw haujlwm ya dav hlau, tsheb ntiav, thiab lwm yam kev thauj mus los uas thauj tau tib neeg mus Khiav Haujlwm Tseem Ceeb thiab tej yam uas tau raug pom zoo hauv Cov Lus Khoo ntawm no;
- 3.9.18. Kev tu xyuas tom tsev rau cov neeg laus, cov neeg muaj hnuv nyoog kaum yim xyoo rov saud, lossis cov menyuam yaus;
- 3.9.19. Cov chaw nyob thiab cov tsev nyob rau cov neeg laus, cov neeg muaj hnuv nyoog kaum yim xyoo rov saud, lossis cov menyuam yaus;
- 3.9.20. Cov kev pab nrog tej yam haujlwm, xws li cov kev pab txog kev lig kev cai lossis cov kev pab laij nyiaj, thaum yuav tsum tau los ua kom tau tej yam raug khoo raws cai;
- 3.9.21. Chaw zov menyuam uas zov menyuam kom cov neeg uas raug zam hauv Cov Lus Khoo ntawm no mus ua tau haujlwm. Sim ua kom ntau li ntau tau, cov chaw zov menyuam yuav tau khiav lawv lub chaw haujlwm raws li cov cai uas lawv qab ntawm no:
- 3.9.21.1. Lawv yuav tau zov tib pab menyuam uas 12 tus lossis tsawg dua ("tib pab" txhais tias yuav tsum yog 12 tus menyuam ntawd nkaus xwb lossis tsawg tshaj ntawd txhua hnuv).
  - 3.9.21.2. Txwv tsis pub cov menyuam hloov mus los sib xyaws nrog lwm pab menyuam.
  - 3.9.21.3. Yog tias lub chaw ntawd muaj ntau tshaj ib pab menyuam uas lawv zov, lawv yuav tau muab faib cov pab menyuam ntawd mus nyob nyias hoob. Lawv yuav tsum tsis txhob muab cov pab pawg ntawd sib xyaws nrog lwm pab pawg.
  - 3.9.21.4. Cov neeg zov menyuam yuav tsum nyob twj ywm nrog lawv pab pawg menyuam xwb.
- 3.9.22. Peb muaj cov lus qhia kom tseeb zog txog cov lag luam tseem ceeb thiab tsis tseem ceeb hauv Lub Nroog Fresno qhov website ([www.fresno.gov](http://www.fresno.gov)). Cov Lag Luam Uas Raug Kev Pom Zoo, thaum peb txiav txim tias cov twg, peb mam li muab los ntxiv rau daim ntawv teev tseg no.
- 3.9.23. Cov ib sij txhaum cai lossis txhaum cai tas li tsis ua raws li cov cai kaw, cov cai txwv, lossis cov cai hais kom nyob deb lwm tus tom ib lub lag luam lossis tsev lag luam, tus tub ceev xwm, nrog rau txoj kev pom zoo los ntawm Tus Thawj Tub Ceev Xwm, lossis tus neeg uas raug xaiv los khiav txoj haujlwm, nrog txoj kev pom zoo los ntawm Lub Nroog Tus Thawj Kws Lij Coj, lossis tus neeg uas raug xaiv los khiav txoj haujlwm, khoo tau kom ib lub lag luam kaw lawv lub lag luam thiab yuav tsis pub qhib txog txij lawv pom zoo, lossis mus ntev npaum li lub zos tseem muaj kev xwm txheej ceev.


- 3.10. Kom txhua tus nkag siab Cov Lus Khoo no, "Khiav Haujlwm Raws Li Qhov Tsawg Kawg" yog hais txog cov lawv qab ntawm no, tiamsis cov neeg ua haujlwm yuav tau ua raws li Cov Cai Hais Kom Nyob Deb Lwm Tus uas peb tau txhais hauv Cov Lus Khoo no, ntau li ntau tau, thaum lawv khiav cov haujlwm no:
  - 3.10.1. Khiav tej yam dej num tsawg kawg nkaus los pab kom ib lub lag luam muaj khoom txaus, muaj kev ruaj ntseg, them nyiaj tau thiab muaj kev faj seeb rau cov neeg ua haujlwm, lossis tej yam xws li ntawd.
  - 3.10.2. Khiav tej yam dej num tsawg kawg nkaus los pab kom cov neeg ua haujlwm tseem ua tau haujlwm tom tsev.
- 3.11. Kom txhua tus ua tau raws li Cov Lus Khoo ntawm no, cov tsev nyob txhais tias cov tsev so loj, cov tsev so me, cov tsev sib koom them nyob ua ke, thiab cov lwm cov tsev xws li ntawd. Cov tsev kuj txhais tau tiav cov chaw tib neeg nyob thiab cov chaw nraum zoov uas tib neeg nyob xws li cov chaw nyob nraum qaum tsev, cov chaw nyob nraum zoov ntawm qhov rooj, nraum vaj, thiab sab nraum lub tsev ntawm hauv ntej uas ib tsev neeg lossis cov neeg nyob hauv lub tsev ntawd siv tau.
- 3.12. Kom txhua tus ua raws li Cov Lus Khoo ntawm no, nrog rau Cov Cai Hais Kom Nyob Deb Lwm Tus hais, tiamsis tsis tas rau kom ib tug neeg yuav tsum nyob deb yam tsawg kawg yog rau-feet ntawm lwm tus neeg, ntxuav tes nrog xub npum thiab dej kom tsawg kawg yog nees nkaum second heev npaum li heev tau lossis siv cov tshuaj ntxuav tes tua kab mob, npog thaum hnoos thiab txham (rau hauv koj lub tes tsho lossis txhais npab), nquag so rooj so txee, thiab tsis txhob chwv lwm tus neeg uas tsis nyob hauv lawv tsev neeg lossis hauv ib lub tse, thiab looj cov ntaub vov ntsej muag thaum mus rau cov lag luam thiab cov chaw tib neeg coob mus.
4. Lub Nroog cov chaw haujlwm uas lawv muaj lossis tswj ntawm no yuav raug muab kaw tsis pub rau cov pej xeem mus, tiamsis tsuas pub rau cov khiav haujlwm xwm txheej ceev uas raug pom zoo los ntawm Tus Thawj Coj Saib Xyuas Thaum Muaj Tej Yam Xwm Txheej Ceev: Selland Arena, Saroyan Theater, Exhibit Halls, Convention Center, Fresno Chaffee Zoo, Rotary Playland, Storyland, Veterans Memorial Auditorium, lub Meux Home, Shinzen Garden, tagnrho cov chaw pej xeem mus ua si, thiab cov tsev ncaws kis las ntaus kis las, nrog rau Granite Park, Southwest Regional, thiab lwm yam.
5. Cov Lus Khoo raug muab kho lossis raug muab ncuu tseg thaum twg los tau, thiab yuav raug muab siv tsis tau los hloov tej yam uas koj tau txaus siab ua hauv daim ntawv cog lus nrog lwm tus neeg, tej yam cai txog lub chaw, lossis siv tsis tau los foob Lub Nroog.
6. Yog muaj ib co lus hauv Cov Lus Khoo no lossis cov lus no tsis haum rau tej tug neeg twg lossis tej yam nws ua ces cov lus ntawd yuav tsis raug rau nws, tiamsis yog tias muaj lwm cov lus uas nyob hauv Cov Lus Khoo no haum rau nws lossis tej yam nws ua, ces nws yuav tau ua raws li cov lus ntawd tagnrho thiab ua tamsid mus. Nws nyob ntawm peb, peb muaj txoj cai ncuu tseg cov lus hauv Cov Lus Khoo no los tau.
7. Cov Lus Khoo no yuav tau muab los txhais ua lus Mev thiab Lus Hmoob, thiab Lus Khej tamsid, thiab yuav tau muab kho kom cov tib neeg uas muaj tej yam kev xiam oob qhab

Cov Lus Khoo Xwm Txheej Ceev 2020-16  
Nyob Tsev – Ntxiv Sijhawm Mus Ntev Zog thiab Ntxiv Ntau Zog  
Lub Tsib Hlis Ntuj Tim 1, 2020  
Nplooj 12 ntawm 12

nyeem kom tau; peb yuav muab tshaj tawm rau tagnrho cov kev tshaj saum istawsnev  
thiab muab tso rau saum Lub Nroog qhov vesxaij kom txhua tus neeg pom tau.

COV LUS KHOO NO YUAV PIB TAMSIM NO MUS.

Tus Thawj Coj Saib Xyuas Thaum Muaj Tej Yam Xwm Txheej Ceev



---

Wilma Quan  
Tus Tswj Xyuas Lub Nroog

Lub Tsib Hlis Ntuj Tim 1, 2020

Lub Hnub Tim

9:00am

Lub Sijhawm